



Krink Ech.

## Jojo'e

Jao mósse hueëre, 't is alweer zoa wiet:  
't Woor nog mer 'n kwestie van tied.  
Aldaag krieg ich greunvoor vää'r mien naas:  
Kómkómmer, tomate en bloomkoal... helaas!

De waegsjaol die haet weer gesjpraoke,  
Door 't gewich nog net neet doorgebraoke.  
Oos mam vuntj zich weer 'ns te zwaor,  
En weer mótte daovöör boete, werkelijk waor!

Pindaneutjes, slók, 'n stökske woos is slech,  
Sjókkelaat en drop, inèns mó't alles weg.  
Redieskes, muurkes, slaaj of kómkómmer!  
Grrrrrrr..... bah!!!! Kèntj 't nog stómmer?

Weer lieke waal knien es w'r zitte te aete,  
Lekkere dikke friet kèn ich väärluipig vergaete!  
Ich hoof gein greun op mien bótterham!  
Ich höb lever ein gezellige, dikke mam!

**Lijsbeth Schroijsen-Moonen.**